

大清會典

盛京禮部



大清會典卷之

盛京禮部


侍郎一人。掌

盛京祭祀賓客之禮儀。其屬左右二司。各郎中一人。員外郎二人。堂主事一人。讀祝官八人。贊禮郎十有六人。筆帖式十人。管千丁六品官一人。七品官一人。

凡

陵寢之祭。清明。中元。冬至。歲暮。四祭。

福陵



大清會典 盛京禮部



昭陵忌辰。均由部列承祭宗室官職名。咨太常寺轉奏。候

旨分遣行禮。十月朔日。

永陵總管行禮。每月朔日。

永陵掌關防官行禮。

福陵

昭陵。均宗室官行禮。

萬壽聖節祭

福陵

昭陵同。清明。中元。冬至。歲暮祭。

壽康太妃

懿靖太貴妃園寢。掌關防官行禮。○祭品。移取庫帑。以備犧牲。及米鹽菰蕨。皆供自

盛京戶部。飼乳牛。以取乳。及乳酥。皆供自兩翼牧場。設田園魚泊。任壯丁。以菽菽麥蔣瓜果。畜魚羅雉。祭則供其物。

奉先制帛香蠟。及時果飴品。產於

京師者。每歲秋。由太常寺齋送。庫儲以供。○

奉先殿。及畿輔

陵寢供祭。歲取

盛京所產嘉魚嘉果。遣官敬送所司。

凡祠廟之祭。春秋二仲。祭

長白山神。以船廠將軍或副都統承祭。部遣讀祝贊

禮郎前往襄事。

萬壽聖節及仲秋。祭

盛京城隍之神。以本部侍郎承祭。犧牲果品。移取

盛京戶部庫帑供備。香帛菱芡。由太常寺齎送。春

秋。祭

賢王祠。以奉天府尹承祭。祭品由府尹供備。

興京

盛京

勅建寺廟。歲各致祭。香蠟之需。及僧道歲給米鹽衣

服。各有定數。均移

盛京戶部。工部。內務府。分給。

凡賓客饋遺。朝鮮國貢使往來。取道

盛京。官有饗餼。役有廩給。馬有芻秣。黑龍江以北。

入貢貂皮獺皮。官役賞以冠帶袍鞮。及廩餼芻

糧。均由部行所司支給。







